



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

In Conceptione B. M. V.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)



FRAGMENTA DE SANCTIS.

In Conceptione B. M. Virg.

Vidas genuit Pharez. Mirum est quòd Pf. dicat
44. *Audi Filia & vide, &c. Obliviscere populum tuum, & domum Patris tui.* Imò recordare nostri S. Virgo. Leo Imper. vult hoc intelligi de Adam ut ejus obliviscatur S. Virgo, quia in eo non contraxit maculam. Domum ad hoc Pharez ingredi non est parvum. Cùm Ruth matrimonium cum Booz. contraheret ita illi Bethleemita sunt apprecati Ruth. 4. *Faciatur DEUS hanc mulierem, quae ingreditur domum tuam, sicut Rachel & Liam quae edificaverunt Israel, fiat quoque domus tua sicut domus Pharez, quem Thamar peperit Juda.* Judas tres filios habuit Selam, Zaram, & Pharez, quare non apprecati, fiat domus tua ut Sela & Zaram, cùm isti fuerint majores natu? Quia non de illis sed de Pharez processit David ideo in hoc Evangelio nonus à Pharez ponitur David de quo processit Christus. Sed hoc ipsum quare? i. Paralip. 4. ubi familiae duodecem filiorum Jacob describuntur, familia Judae sic. *Fili Judae, Pharez, Esron, &c. Et Sobal.* Tacentur verò Zaram & Sobal. vel quia, ut dicit Hieron. in peccato mortui, vel quia non processit ex iis David, ac proinde, neque Christus. Mater Pharez fuit Thamar, dum concepit gemellos Gen. 34. unus in hora nascendi protulit manum,

A

&

& eam obstetrix ligavit coccino, sperans quod iste esset prior nasciturus, sed alter natus prior, & illa dixit. *Quare dixisti quod propter te maceria?* Quare vocavit eum Pharez, divisionem; postea natus est Zara. Ex Pharez processit Virgo S. non ligata coccino peccati. Zara bis natus quia primo protulit manum, postea post fratrem prodiit natus, ita nos, in Adam nobis manus ligata est, & postea cum eadem ligata prodimus. In Adam ostendimus manum quam ille ad pomum extendit, & acci- mant omnes. Hæc est manus quæ contra DEUM se extendit, hæc est ligata, quia qui facit peccatum servus est diaboli, ligata filo coccineo, belli signo, ligata manus, *quia non quod volo facis bonum.* Ex hoc filo nectantur funes peccatorum & ita miser Samson ligatur. At S. Virgo nascitur ut Pharez sine hoc vinculo. Nascitur S. Virgo sicut lilium inter spinas, segregata ab omnibus. Apoc. stellas 12. habet in capite, cum tamen ibidem Filius ejus eas habeat in manu, caput hujus mulieris conceptio, pedes Lunam calcantes mors ejusdem, corpus amictum sole, ne dubites de ejus pura conceptione, duodecim stellæ illam coronant, totus Zodiacus, totus annus, nunquam fuit sine stella. Hinc Dyonyf. Alexandrinus Epist. contra Paulum Samosatenum. *DEUS Matrem incorruptam, à pedibus usque ad caput benedictam servavit.* Epiph. de B. V. *dicam illam Crucem & cælum,* quomodo hæc duo cohærent? quia partus & integritas in S. Virgine sunt simul. Cælum totum est lucidum crux tota Sancta, ita B. Virgo tota lucida & sancta. In illa novus legislator Christus ut Moyses advectus nobis velut in fscella nullam admittente guttam aquæ. Noluit DEUS legem suam dare in tabulis fractis Exod. 34. dicit Moysi. *Præcide tibi duas tabulas lapideas instar priorum, & scribam super eas verba, quæ habuerunt tabule priores quas fregisti.* Quomodo legislatorem Christum scripsisset in tabula contrafacta? In præsentem Evan-

Evangelio repetitur quadragesies, genuit hoc non est casu factum. Bern. Si enim nec unus de passeribus sine Patre caelesti cadit, putem ego de ore S. Evangelistae superfluum diffuere verbum, praesertim in sacra historia verbi? non puto, plena quippe sunt omnia supernis mysteriis. Quod hic mysterium? Commemoremus illud Ps. Quadragesima annis proximus fui generationi huic. Quadragesies ponitur genuit ab Abraham ad Christum. Occurrat & illud Ps. 109. In splendoribus Sanctorum ex utero ante Luciferum genui te. Christus ergo genitus in splendoribus Sanctorum quando genitus ex utero Matris, itaque mater habuit hos splendores. Angeli, Adam, Eva habuerunt hunc splendorem quod sine macula à DEO facti, itaque & B. Virgo habuit, dedit hunc splendorem Matri, quem nulli dedit alteri ut pareret Virgo, itaque multò magis dedit illum, quem etiam concessit. In splendoribus Sanctorum. Lorinus docet hunc locum à Patribus intelligi etiam de humana Christi generatione, quia ubi nos legimus. In die virtutis tuae. Chald. legit. In die quo praelium commiseris. Quod soli humanae generationi servit. Hinc cum in Liraniis in Bavaria caneretur, Mater admirabilis P. Rhem. advertebat ex imagine B. Virginis semper admirabilem prodire splendorem, ut scripsit P. Gans. Quia Virgo & genita & genuit in splendoribus.

In Nativitate D. N. JESU Christi.

Quatuor res difficiles hominibus fuerunt circa DEUM 1. DEUM invenire Ps. 41. Fuerunt mihi lacrymae panes die ac nocte dum dicitur mihi ubi est DEUS tuus? Et quasi jam desperavisset de illo reperiendo in terra, dixit Ps. 35. Domine in caelo misericordia tua. Ecce modò Vagit Infans inter arcta conditus praesepia, &c. 2. Metuebat homo DEI manum, Job. lamentatur

A 2

tatur